

綏中縣志

署



王火五

綏中縣志目錄

第十二卷

人物

次中

鄉型

政事

忠節

孝行

義舉

儒林

Blank rectangular area at the top of the page.

中	第	卷	第	卷	第	卷	第	卷	第
---	---	---	---	---	---	---	---	---	---

人物編

鄉型序

鄉賢忠孝歷代尊崇不止一鄉一邑爲然也使必苛以繩之則鄉賢忠孝外入
選者鮮其例甚嚴而其體似隘彼有遺蹟可傳弗朽者不將湮沒乎茲分政事
忠節孝行義行儒林五目統稱曰鄉型無論曾否崇祀並臚列事實分著於編
庶流風餘韻得以長存耳故志鄉型

風雨風雲隨得以身持其難也

風雨本行其難林五日對新日意即此編書其難也

風雨本行其難而其難即此編書其難也

風雨本行其難不立一機一易益然此意益其難也

人論

政事

明

畢恭 前屯衛人其先山東濟寧籍恭有文武才正統間以巡撫王翱薦授百戶歷指揮僉事圖上方略開設迤西邊堡牆壕置烽堠兵威大振進署指揮僉事守備寧前任五年邊鄙寧謐進掌都司撫士卒革姦弊廣屯田立學校政平訟理軍民咸頌之（見一統志）

朱梅 字海峯前屯衛人崇禎三年總鎮山海厚重渾樸御事精詳先是值廣寧失守邊人要賞士民震駭當事難之時梅爲裨將慨然自任出撫於關東八里舖讐以威靈綏以恩信衆皆帖服羅拜而去關門安堵至招降丁沽

難民墾地築垣種種著績適遼東潰兵還至關梅匹馬獨前宣布恩威相對
撫膺流涕無不感動補山海鎮不浹旬克奏成功加職世襲及卒晉階諭祭
祀永平府名宦祠又祀寧遠州鄉賢祠

王 整 前屯衛人正統八年任山海關守備沈毅有謀長於幹濟次第興舉
善政凡學廟樓櫓及廨舍之屬多所增建撫士馭下寬而有體軍界民界無
不畏而愛之祀臨榆名宦祠（參臨榆縣志）

清

朱運亨 中前所人由武舉順治元年任山海關副將管參將事值清初供應
軍需鎮撫百姓進勦流寇捐廉俸給憑引軍界民界咸賴爲砥柱云

安珠瑚 姓瓜爾佳滿洲正黃旗人先世居蘇完父阿拉穆任佐領順治元年

隨睿親王多爾袞入山海關擊流賊李自成力戰陣亡恩加雲騎尉世職尋

令安珠瑚襲隨征湖南山東及舟山海賊屢立戰功康熙六年擢寧古塔副

都統十年增設吉林烏拉副都統調安珠瑚任之與寧古塔將軍巴海奏還

松花江新滿洲扎努喀布克托等各姓戶口於所屬境內編四十佐領令扎

努喀等分轄其衆十七年康熙諭巴海暨安珠瑚實心任事撫輯新滿洲戶

口咸令得所下部議叙旋擢盛京將軍十九年疏請裁金州巡檢改爲金州

營設守備千總等官以招徠民戶五百餘丁選兵百分習騎射標鎗鳥鎗又

請沿邊展界二十餘里設柵隘口移兵防守疏並下部議行二十一年康熙

詣盛京巡行邊地見立界處枯骨暴露者諭安珠瑚徧察瘞之二十二年以疾乞休安珠瑚任將軍時繕城郭興屯田招徠遠人興利除弊皆有成效至今旗民追念其德感佩不已

剛林 姓瓜爾佳初隸滿洲正藍旗爲筆帖式主譯漢文天聰八年以漢文中式舉人命直文館崇德元年授國史館大學士與范文程希福等參議政事疏請重定部院承政以下各爲五等又爲定考取生員舉人之例時太宗四征不庭疆宇日闢剛林屢奉旨詣軍前宣佈德威咸稱旨積勞授騎都尉世職順治三四年兩充會試主考五年預機務晉二等男賜號巴克什六年纂太宗實錄充總裁再充會試主考八年請購明天啓四年至七年實錄及

崇禎一朝事蹟傳訪野史家乘以備纂修明史皆報可尋坐睿親王多爾袞

黨論死

見通志

穆維乾 字介公前衛人少嗜學博經史領順治二年乙酉鄉薦爲滑縣教諭遷保定左衛教授整飭學規課士有方嘗攝滿邑篆值旱荒設法賑濟全活甚衆巡撫金公疏薦之有行同濂洛關閩才類韓柳歐蘇之語陞翰林院典簿生平廉節自持不慕權勢鄉望特隆康熙五十三年崇祀鄉賢祠

穆廷斌 字符公康熙六年丁未武進士初授蔚州路守備整飭營務有敏幹名陞四川遊擊旋陞永寧協副將平滇蠻阿索屢立戰功四十年陞授蘇松水師總兵官改正船制一時便之五十二年奉上諭押江南漕米十萬石從

海道運交閩廣賑饑無誤特簡江南全省提督五十四年調補福建陸軍提督六十年臺灣告變廷栻統精銳厚犒賞廈門策應反側瓦解嗣因閩疆米價翔踊會兩臺設法平糶兵民咸頌之以勞卒官贈左都督諡清恪蔭子光祿寺署正宣付國史館立傳廷栻性謙和操守謹慎有古儒將風泉州民爲建生祠

王廷贊 中後所人乾隆初年出仕甘肅由知縣遞陞至布政使勵精圖治凡興利除弊之事無不竭力勇爲甘肅之民感激有私立公之長生祿位牌以祀之者且秉性剛方不事夤緣當時有強項之稱首相和珅貪權納賄廷贊獨不與結交後卒爲和珅陷害論者惜之

張凌雲 字翼卿前衛人由增貢生出仕補山西大寧縣典史清簡廉貞遇民有冤抑者必力爲昭雪嘗勵色與正堂諍辯民之冤抑不伸弗止民皆感泣公送駟馬植德匾額懸於大寧縣右堂

劉恩鍾 漢軍廂藍旗人駐中前所清光緒癸未進士初任河南永城縣知縣會河決奉派永邑出稽料恐擾民稟大吏豁免不聽至爭以去就民德之立長生牌位以誌不忘補項城縣項俗剽悍萑苻遍野治五載羣盜斂迹去之日紳民走送者數千人多泣下繼任商邱西平安陽祥符諸邑政平訟理稱神君焉宰杞縣時境有水災躬親勘驗請賑人得多活邑人爲立生祠後復調祥符并護理開封府事值拳匪滋禍則獨闢其妄且嚴示懲辦境賴以安

既而陞道員改分山東癸卯鄉試奏派監臨多得士林譽所在政績優美至
今猶有樂道者

忠節

明

楊照 字明遠前屯衛人都督鎮之孫嗣世職爲前屯衛指揮使嘉靖中以

功累遷遼東總兵官屢立戰功嚴嵩怒照不輸賄解職嵩敗朝廷以宿望起之四十二年蒙古深入金海諸衛總兵官吳瑛不能禦詔罷瑛以照代其秋又聚衆廣寧塞外謀大入照率諸將由鎮夷堡分道掩之夜失道去塞六十里爲敵所圍力戰中矢死照忠勇負氣撫士有恩常惶盡忠報國四字於背誓以死自効起官數月間屢戰皆捷竟隕於陣贈少保左都督諡忠壯其墓在前衛南關迤西猶有碑碣存焉

楊維藩 照之叔父結髮從父都督鎮於行間屢建首功積官指揮僉事擢武寧鎮武營遊擊痛照陣亡誓滅敵雪恥嘉靖四十四年蒙古萬餘騎攻鎮武維藩兵不滿千迎之於境內蓮子湖台與衆誓曰此死地也血戰或生遂進戰殺敵數千手刃數十人力竭死之詔贈都督僉事與寧遠衛指揮僉事線補袞並祀於鄉賢祠子襲職

常潤 中前所人天啓丙戌武進士任定遼中衛指揮遇寇於平頂山與指揮劉麟耿秩高臣趙昂康繼宗俱力戰死之

孝行

明

宮守禮 前屯衛人生員性端謹好古其父思問病守禮衣不解帶藥必親嘗及卒廬墓三年有白雀來巢於廬上事繼母尤謹朝夕率妻拜問繼母初欲改適感其孝遂止與鄉人飲守禮在坐少長莫敢喧譁其風動流俗如此嘉靖間守臣上其事詔旌其門

見通志

朱國禎 前屯衛人父歿居喪盡禮力營葬事治墳塋松楸鬱然皆手植也結廬墓側朝夕哭奠如初比終制羸瘠而死妻劉氏艾年守志撫孤成立同時

節孝並稱焉

見通志

葉洪 前屯衛人幼孤依母度日嘉靖間母病思食肉麵餅因貧莫辦乃傭於人得麵一升又苦無肉遂封肉以進母病即愈

程 鎡 廣寧前屯衛人太學生母病日侍湯藥夜不解衣母轉病痢鎡聞醫者言羹甘滑者不治鎡嘗之果甘悲號幾死母旋卒值鄰家失火風急勢迫

鎡撫棺號曰萬一不虞與母俱焚耳忽焉風返火滅人以爲孝感所致

見通志

穆思文 前屯衛人後遷居前所大毛山庠生事繼母孝曲盡子養之節有二弟俱繼母所出財產均分後二弟家計寒窘又爲弟之子給產婚娶督學汪應元題請建坊曰孝義

穆大任 庠生性純篤父早逝事母以孝聞母歿躬廬墓側負土成塚值兵變